

一信复之。是日由桥头铺前赴萝葡冲之窑坡看视。林尊山指引一地，内堂尚佳，而本山仅只一乾坡，左手（破）〔坡〕反高耸，以地法论之，似无甚结作，固亦早度其然也。是日寒甚，晚就巴巴岭宿。

初七日。雨。偕林尊山先至黄泥铺右，地名段家湾，山地曰铁冲，林尊山以为河西一大地也。山势环抱。林尊山所指引处，亦止一乾坡，左砂另起高峰，作芦鞭格，绕出乾坡之右，再起一玉屏，又稍折而左，起天马二峰。龙身方行，而遽指为结穴处。以天雨，未能前往踩视。回至柏叶铺，又绕出碓子山，观彭氏祠公地。地名大冲桥，山名满脚塘。山水环集，而穴情亦未甚分明。以大致论之，固为佳矣。又东至观音山，碓子山之来龙也，地名彭家湾，为中落山势，亦尚环抱有情。然龙身正前行而穴星仅一硬坡，略无结咽束气处，未敢信为结作也。是夕仍宿巴巴岭。

初八日。雨。回过山枣铺，至学堂山，相视王姓地。高山旁一钳穴，穴星似尚分明，而山势稍纵横四处，非全美也。午刻抵家。李麓渔已起馆。接到曾劼刚、陈松生寄家人信，并丁禹生、唐景星、黎莼斋、黄泳清各信。又由玉阶中丞递到刘岷庄制府一信。又由易淑子处递到黄石珊一信，知已派岳口厘局。秉文又遣陶云祥及金连山至，通计木匠包工二千零，泥匠包工三千零。十二日兴工太急，仍以廿三日申时为妥。通算木价约五百串，砖约十五万，并瓦灰等件，共约八百串；石工约百串。

初九日。陶云山、金连山回县，寄吴晴研及秉文二信。亦接饶葆臣、吴晴研及席珊、玉玲、秉文各信。储鹤乔、张力臣、周翰臣、邱松笈、张镜吾、顾子良、李眉仙、左佩勋、李召甫次第过谈。晚次，陈右铭、朱香荪复过谈，始闻陆心农已乞病开缺，中丞属意陈右铭，而崇星阶力以何相山、童研云为言。此等应断